

AKASHVANI(AIR)
RNU:KOLKATA
BengaliText Bulletin

Date 26-12-2025

Time: 1.30 P.M.

বিশেষ বিশেষ খবর –

- 1)রাষ্ট্রপতি দ্রৌপদী মুর্মু আজ নতুন দিল্লিতে ‘বীর বাল দিবসে’ অনুষ্ঠানে ১৮টি রাজ্য ও কেন্দ্রশাসিত অঞ্চলের ২০ জন শিশুকে ‘প্রধানমন্ত্রী রাষ্ট্রীয় বাল পুরস্কার’ প্রদান করেন।
- 2)প্রধানমন্ত্রী নরেন্দ্র মোদী বলেছেন আগামী দিনে সংস্কারের ধারা আরও জোরদার করে তাঁর সরকার জীবনযাত্রা আরও সহজ করতে প্রতিশ্রুতিবদ্ধ।
- 3)প্রধানমন্ত্রী আজ নতুন দিল্লিতে বিভিন্ন রাজ্যের মুখ্য সচিবদের তিনদিনব্যাপী জাতীয় সম্মেলনে বক্তব্য রাখবেন।
- 4)অন্ধ্রপ্রদেশে আজ দুটি পৃথক সড়ক দুর্ঘটনায় ৭ জন নিহত এবং পাঁচজন আহত হয়েছেন। কর্ণাটকের চিত্রদুর্গে বাস দুর্ঘটনায় মৃতের সংখ্যা বেড়ে হয়েছে সাত।
- 5)বাংলাদেশের ক্ষমতাচ্যুত প্রধানমন্ত্রী শেখ হাসিনা অভিযোগ করেছেন যে মুহাম্মদ ইউনূসের নেতৃত্বাধীন অন্তর্বর্তীকালীন সরকার বাংলাদেশে অমুসলিমদের উপর অবর্ণনীয় অত্যাচার চালাচ্ছে।
- 6)তিরুবনন্তপুরমের গ্রিনফিল্ড স্টেডিয়ামে আজ মহিলাদের T-20 ক্রিকেট সিরিজের তৃতীয় ম্যাচে ভারত শ্রীলঙ্কার মুখোমুখি হবে।

oo

রাষ্ট্রপতি দ্রৌপদী মুর্মু আজ নতুন দিল্লিতে ‘বীর বাল দিবসে’র অনুষ্ঠানে ‘প্রধানমন্ত্রী রাষ্ট্রীয় বাল পুরস্কার’ প্রদান করেন। এই বছর ১৮টি রাজ্য ও কেন্দ্রশাসিত অঞ্চলের ২০ জন শিশুকে এই সম্মান প্রদান করা হয়।

এদিনের অনুষ্ঠানে রাষ্ট্রপতি বলেন, এই সম্মান পুরস্কারপ্রাপক এবং দেশের ভবিষ্যৎ প্রজন্মকে উৎসাহিত করবে।

(বাইট – রাষ্ট্রপতি)

০০০০০০০০০০০০০০০০০০০০০০

প্রধানমন্ত্রী নরেন্দ্র মোদি বীর বাল দিবস উপলক্ষ্যে আজ এক বার্তায়, সাহেবজাদা'দের বীরত্ব ও আত্মবলিদানের কথা স্মরণ করেছেন। সমাজ মাধ্যমের এক পোস্টে শ্রী মোদী,মাতা গুজরি জীর প্রতি অবিচল বিশ্বাস এবং শ্রী গুরু গোবিন্দ সিং জী'র শিক্ষার কথা স্মরণ করে বলেন, ওই দিন ছিল সাহস,প্রত্যয় এবং ন্যায়পরায়ণাতার দিন। প্রধানমন্ত্রী তাঁর বার্তায় সাহেবজাদা'দের আদর্শ ও আত্মবলিদান,প্রতিটি প্রজন্মকে প্রেরণা দেয় বলে উল্লেখ করেন।

০০০০০০০০০০০০০০০০০০০০০০

প্রধানমন্ত্রী নরেন্দ্র মোদী বলেছেন যে তাঁর সরকার জীবনযাত্রা আরও সহজ করতে প্রতিশ্রুতিবদ্ধ। আগামী দিনে সংস্কারের ধারা আরও জোরদার হবে বলেও তিনি জানান। সোশ্যাল মিডিয়ায় MyGovIndia-এর একটি পোস্ট শেয়ার করে, শ্রী মোদী তুলে ধরেন যে কীভাবে ২০২৫ সালে শাসনব্যবস্থায় একটি স্পষ্ট পরিবর্তন এসেছে। এখন সংস্কারগুলির জটিলতার উপর নয়, ফলাফলের উপর দৃষ্টি দেওয়া হয়। সহজ কর আইন, দ্রুত বিরোধ নিষ্পত্তি এবং আধুনিক শ্রম কোড ব্যবসা বৃদ্ধিতে সহায়ক হয়েছে। প্রধানমন্ত্রী আরও বলেন যে তাঁর সরকারের সুপারিকম্প্লিক্স নীতি, কীভাবে নীরবে দৈনন্দিন জীবনকে উন্নত করতে পারে তা দেখিয়ে দিয়েছে।

০০০০০০০০০০০০০০০০০০০০০০

প্রধানমন্ত্রী নরেন্দ্র মোদী আজ নতুন দিল্লিতে বিভিন্ন রাজ্য ও কেন্দ্রশাসিত অঞ্চলের মুখ্য সচিবদের তিনদিনব্যাপী জাতীয় সম্মেলনে যোগ দেবেন। আগামী দুদিন সম্মেলনে

লোকসভার অধ্যক্ষ ওম বিড়লা'ও বিশ্ববন্ধু সেনের প্রয়াণে শোক ব্যক্ত করেছেন। শোক প্রকাশ করেছেন কেন্দ্রীয় স্বরাষ্ট্রমন্ত্রী অমিত শাহ।

০০০০০০০০০০০০০০০০০০০০

প্রধানমন্ত্রী নরেন্দ্র মোদী ২৮ শে ডিসেম্বর (রবিবার) আকাশবাণীতে “মন-কি-বাত” অনুষ্ঠানে তাঁর চিন্তাভাবনা দেশ-বিদেশের মানুষের সঙ্গে ভাগ করে নেবেন। এটি হবে মাসিক এই বেতার অনুষ্ঠানের ১২৯-তম পর্ব।

বেলা ১১-টা থেকে আকাশবাণী এবং দূরদর্শনের সবকটি চ্যানেল এবং আকাশবাণীর নিউজ অন এ.আই.আর. ওয়েবসাইট, মোবাইল অ্যাপ, প্রধানমন্ত্রীর দফতর, তথ্য ও সম্প্রচারমন্ত্রকের ওয়েবসাইট ও ইউটিউব চ্যানেলেও “মন-কি-বাত” সম্প্রচারিত হবে।

হিন্দিতে এই অনুষ্ঠান সম্প্রচারিত হবার পরেই আঞ্চলিক ভাষায় এর তর্জমা শোনা যাবে।

নিঃশব্দ নম্বর ১৮০০-১১-৭৮০০ নম্বরে ম্যাসেজ করে কিংবা মাই গভ বা নমো অ্যাপে মতামত জানানো যাবে।

০০০০০০০০০০০০০০০০০০০০০০

অন্ধ্রপ্রদেশে আজ দুটি পৃথক সড়ক দুর্ঘটনায় ৭ জন নিহত এবং পাঁচজন আহত হয়েছেন। গুন্টুর জেলায় একটি বাস ও গাড়ির সংঘর্ষে তিনজন নিহত ও তিনজন আহত হন। একটি গাড়ি যখন রাস্তার ধারে দাঁড়িয়ে ছিল, পেছন থেকে একটি বাস এসে গাড়িটিকে ধাক্কা দিলে এই দুর্ঘটনা ঘটে।

অন্য আর একটি দুর্ঘটনায় নান্দিয়াল জেলায় একটি বাস ও একটি গাড়ির মুখোমুখি সংঘর্ষে চারজন নিহত হয়।

০০০০০০০০০০০০০০০০০০০০

এদিকে, কর্ণাটকের চিত্রদুর্গে বাস দুর্ঘটনায় মৃতের সংখ্যা বেড়ে হয়েছে ৭। গতকাল একটি ট্রাকের সঙ্গে সংঘর্ষের পর ওই স্লিপার কোচ বাসটিতে আগুন ধরে যায়।

ঘটনাস্থলে মৃত্যু হয় ৬ জনের। দণ্ড হন ২১ জন। আজ ভোররাতে বাস চালকের মৃত্যু হয়।

০০০০০০০০০০০০০০০০০০০০

কেন্দ্রীয় স্বরাষ্ট্রমন্ত্রী অমিত শাহ আজ নতুন দিল্লিতে সন্ত্রাসবাদ বিরোধী সম্মেলনের উদ্বোধন করবেন। স্বরাষ্ট্র মন্ত্রক জানিয়েছে যে, দুই দিনের এই সম্মেলনে সন্ত্রাসবাদ মোকাবিলায় নিযুক্ত অপারেশনাল বাহিনী, প্রযুক্তিগত, আইনি এবং ফরেনসিক বিশেষজ্ঞদের জন্য জাতীয় নিরাপত্তাকে প্রভাবিত করে এমন বিষয় এবং সন্ত্রাসবাদ থেকে উদ্ধৃত হুমকি নিয়ে আলোচনা করা হবে।

০০০০০০০০০০০০০০০০০০০০

কেন্দ্রীয় গ্রামোন্নয়ন মন্ত্রী শিবরাজ সিং চৌহান বলেছেন যে, ২০৪৭ সালের মধ্যে ভিকসিত ভারত: জিরাম জি প্রকল্পের আওতায় গ্রামে উন্নয়নমূলক কাজ ত্বরান্বিত হবে। ডিডি নিউজের সঙ্গে এক সাক্ষাৎকারে, শ্রী চৌহান বলেন যে এই প্রকল্পটি গ্রামীণ পরিবারের জন্য মজুরি সহ কর্মসংস্থানের গ্যারান্টি ১০০ দিন থেকে বাড়িয়ে ১২৫ দিন করেছে। মন্ত্রী উল্লেখ করেছেন যে, নতুন এই আইনে, আবেদনের ১৫ দিনের মধ্যে কাজ না দিলে বাধ্যতামূলক বেকার ভাতা প্রদান করা হবে।

মন্ত্রী বলেন যে, মজুরি, উপকরণ এবং প্রশাসনিক উপাদানগুলির জন্য মোট আনুমানিক বার্ষিক তহবিলের প্রয়োজন এক লক্ষ ৫১ হাজার কোটি টাকারও বেশি। এর মধ্যে কেন্দ্রীয় অংশ প্রায় ৯৫ হাজার কোটি টাকারও বেশি।

(বাইট - শিবরাজ সিং চৌহান)

০০০০০০০০০০০০০০০০০০০০০

ভারতীয় রেল আজ থেকে তাদের যাত্রী ভাড়া কাঠামোয় পরিবর্তন করেছে। এই সংশোধিত ভাড়া কাঠামোয় শহরতলির ট্রেন পরিষেবা এবং সিজন টিকিটের ভাড়ার

কলকাতায় আজ এই মরশুমের শীতলতম দিন।

আলিপুর আবহাওয়া দপ্তরে আজ সকালে সর্বনিম্ন তাপমাত্রা রেকর্ড করা হয়েছে স্বাভাবিকের থেকে ১ দশমিক ৬ ডিগ্রি কম- ১২ দশমিক ৯ ডিগ্রি সেলসিয়াস।

০০০০০০০০০০০০০০০০০০০০০০

বাংলাদেশের ক্ষমতাচ্যুত প্রধানমন্ত্রী শেখ হাসিনা বলেছেন যে মুহাম্মদ ইউনূসের নেতৃত্বাধীন অন্তর্বর্তীকালীন সরকার বাংলাদেশে অমুসলিমদের উপর অবর্ণনীয় অত্যাচার চালাচ্ছে। ৭৮ বছর বয়সী আওয়ামী লীগ নেত্রী অভিযোগ করেছেন যে বর্তমান শাসকগোষ্ঠী অবৈধভাবে ক্ষমতা দখল করেছে এবং ধর্মীয় সংখ্যালঘুদের পুড়িয়ে হত্যার মতো ভয়াবহ নজির স্থাপন করেছে। গত সপ্তাহে বাংলাদেশে একজন হিন্দু ব্যক্তির পিটিয়ে হত্যার প্রসঙ্গ টেনে তিনি এই মন্তব্য করেছেন।

০০০০০০০০০০০০০০০০০০০০০০

পাকিস্তান সীমান্ত দিয়ে সম্ভাব্য জঙ্গি অনুপ্রবেশের গোয়েন্দা তথ্য সামনে আসতেই, জম্মু, সাম্বা এবং কাঠুয়া জেলায় নিরাপত্তা ব্যবস্থা জোরদার করার পাশাপাশি সীমান্তরক্ষী বাহিনী পাঞ্জাবের সীমান্তবর্তী অঞ্চলে উচ্চ পর্যায়ের সতর্কতা জারি করেছে। গোয়েন্দা রিপোর্ট অনুযায়ী, পাকিস্তানের দিকে ঘাঁটি গেড়ে থাকা ৩ থেকে ৪ জন জঙ্গির একটি দল জম্মুর কাঠুয়া সীমান্তবর্তী পাঠানকোট এবং গুরুদাসপুর অঞ্চলের ঘন কুয়াশাকে কাজে লাগিয়ে পাঞ্জাব দিয়ে অনুপ্রবেশের চেষ্টা করতে পারে। সেই কারণে পাঞ্জাবের আন্তর্জাতিক সীমান্তে, বিশেষ করে গুরুদাসপুর এবং পাঠানকোটে অতিরিক্ত সেনা মোতায়েন করা হয়েছে। বিভিন্ন সীমান্ত অঞ্চলে তল্লাশি চালানো হচ্ছে।

০০০০০০০০০০০০০০০০০০০০০০

পাকিস্তানের মদতপুষ্ট সন্ত্রাসবাদীদের ক্রমাগত হুমকির মোকাবিলায়, জম্মু-কাশ্মীরের পুলিশ কৃত্রিম বুদ্ধিমত্তার বা AI প্রযুক্তির মাধ্যমে নিরাপত্তা ব্যবস্থা জোরদার করার উদ্যোগ নিয়েছে। পরবর্তী প্রজন্মের এই প্রযুক্তি ব্যবহার করে কেন্দ্র শাসিত অঞ্চলের আন্তর্জাতিক সীমান্ত অঞ্চলে নজরদারি চালানো সম্ভব হবে। রায়পুরে সম্প্রতি প্যান

ইন্ডিয়া পুলিশ বাহিনীর ডিজিপি ও আইজিপি'দের সম্মেলনে,সীমান্ত অঞ্চলে নজরদারি চালাতে উন্নত প্রযুক্তির ব্যবহারের উপর জোর দেওয়া হয়।

০০০০০০০০০০০০০০০০০০০০০০০০

তিরুবনন্তপুরমের গ্রিনফিল্ড স্টেডিয়ামে আজ মহিলাদের টি -২০ ক্রিকেট সিরিজের তৃতীয় ম্যাচে ভারত,শ্রীলঙ্কার মুখোমুখি হবে। খেলা শুরু হবে সন্ধ্যা সাতটায়। পাঁচ ম্যাচের সিরিজে ভারত ২-০ তে এগিয়ে গেছে। আজ সিরিজ জয়ের লক্ষ্যে নামছে ভারত। বিশাখাপত্তনমে প্রথম ম্যাচে ভারত ৮ উইকেটে, দ্বিতীয় ম্যাচে ৭ উইকেটে শ্রীলঙ্কাকে হারিয়ে দিয়েছে।

০০০০০০০০০০০০০০০০০০০০০০০০